



tešanjski BILTEN

Interno informativno glasilo, Godina XIV, oktobar 2009. Broj 44



U ovom broju:

Usvojen rebalans Budžeta

Realizacija kapitalnih projekata

Aktuelnosti u mjesnim zajednicama

Posjeta privrednicima

Poticaj za razvoj obrta - grant sredstva

Realizacija ciljeva iz Strategije

Tragovima bosanskog kraljevstva

oktobar/listopad 2009.

OPĆINA TEŠANJ



Kanita Gredelj



**UPOSLENIK MJESECA
SEPTEMBAR 2009**

Za poseban doprinos u zamjeni pomoćnika ON-a, pripremu nekoliko odluka za Vijeće, okončanje izvještaja o štetama, izuzetno posvećenost i dobrovoljan produžen rad svakim danom kako bi svi poslovi bili završeni.



tešanjski BILTEN

Interno informativno glasilo Općine Tešanj

Izdaje: OPĆINA TEŠANJ

Redakcija

Edina Kadušić, Ferid Mustafić, Suad Huskić,
Kanita Gredelj i Bahrudin Nočić

Glavni i odgovorni urednik

Edina Kadušić

Adresa Redakcije

Općina Tešanj, trg Alije Izetbegovica 11, 74260 Tešanj

Telefoni 032/650-341 i 032/650-022 (lokal 107),

Fax 032/650-220

E-mail press@opcina-tesanj.ba

Tiraž 2.000

Štampa Grafik-komerc Tešanj

EDUKACIJA POLJOPRIVREDNIH PROIZVOĐAČA

Programom novčanih poticaja primarnoj poljoprivrednoj proizvodnji općine Tešanj, u 2009. godini planirano je poticanje razvoja poljoprivredne proizvodnje kroz edukaciju i stručno osposobljavanje poljoprivrednih proizvođača.

Shodno tome, imenovana je stručna Komisija sa zadatkom da izvrši realizaciju Programa edukacije održavanjem tematskih predavanja i praktične obuke na terenu.

Prema planu rada Komisije, za mjesec oktobar 2009. godine planirane su slijedeće aktivnosti:

Redni broj	Ime i prezime proizvođača	Ime i prezime stručnjaka	Planirani datum
1.	Marko Stanić	Marko Stanić	07.11.2009 g. u 14.30
2.	Kanita Gredelj	Kanita Gredelj	08.11.2009 g. u 11.00
3.	Edina Kadušić	Edina Kadušić	09.11.2009 g. u 14.30
4.	Marko Stanić	Marko Stanić	10.11.2009 g. u 11.00
5.	Marko Stanić	Marko Stanić	11.11.2009 g. u 14.30
6.	Marko Stanić	Marko Stanić	12.11.2009 g. u 11.00
7.	Marko Stanić	Marko Stanić	13.11.2009 g. u 14.30
8.	Marko Stanić	Marko Stanić	14.11.2009 g. u 11.00
9.	Marko Stanić	Marko Stanić	15.11.2009 g. u 14.30
10.	Marko Stanić	Marko Stanić	16.11.2009 g. u 11.00
11.	Marko Stanić	Marko Stanić	17.11.2009 g. u 14.30
12.	Marko Stanić	Marko Stanić	18.11.2009 g. u 11.00
13.	Marko Stanić	Marko Stanić	19.11.2009 g. u 14.30
14.	Marko Stanić	Marko Stanić	20.11.2009 g. u 11.00
15.	Marko Stanić	Marko Stanić	21.11.2009 g. u 14.30
16.	Marko Stanić	Marko Stanić	22.11.2009 g. u 11.00
17.	Marko Stanić	Marko Stanić	23.11.2009 g. u 14.30
18.	Marko Stanić	Marko Stanić	24.11.2009 g. u 11.00
19.	Marko Stanić	Marko Stanić	25.11.2009 g. u 14.30
20.	Marko Stanić	Marko Stanić	26.11.2009 g. u 11.00
21.	Marko Stanić	Marko Stanić	27.11.2009 g. u 14.30
22.	Marko Stanić	Marko Stanić	28.11.2009 g. u 11.00
23.	Marko Stanić	Marko Stanić	29.11.2009 g. u 14.30
24.	Marko Stanić	Marko Stanić	30.11.2009 g. u 11.00

Pozivamo sve zainteresovane poljoprivredne proizvođače da prisustvuju planiranim predavanjima i praktičnim obukama na terenu, a posebno proizvođače koji se bave određenim vidom proizvodnje, te da kroz nova saznanja i iskustva doprinesu unapređenju poljoprivrede na području općine Tešanj.

*POMOĆNIK OPĆINSKOG NAČELNIKA
Hamzaliya Hojkurić, dipl. ecc.*

Potražite najaktuelnije informacije na našoj zvaničnoj web stranici
www.opcina-tesanj.ba

USVOJEN REBALANS BUDŽETA

Na 10. sjednici Općinskog vijeća Tešanj, održanoj 29. septembra 2009. godine, usvojene su Izmjene i dopune Budžeta Općine Tešanj za 2009. godinu - rebalans budžeta. Donošenje rebalansa izvršeno je zbog potrebe provođenja ušteda u budžetima svih nivoa vlasti prema Zakonu o načinu ostvarenja ušteda u Federaciji BiH, a u vezi sa ostvarenjem stand by aranžmana sa MMF-om. Drugi razlog za donošenje rebalansa je umanjeno ostvarenje prihoda budžeta u I polugodištu tekuće godine, zbog čega je bilo neophodno provesti usklađivanje prihoda i rashoda na odgovarajućem nižem nivou.

Prihodi i primitci su korigovani naniže u skladu sa nivoom ostvarenja koje se realno može očekivati u uslovima recesije i opšteg umanjivanja privrednih aktivnosti i prometa. Tako je izvršeno umanjjenje na sljedećim grupama prihoda i primitaka:

R.br.	Grupa prihoda-primitaka	Iznos po Budžetu	Iznos po rebalansu	Umanjenje	Procenat umanjenja
1	Prihodi od poreza	6.210.000	5.900.000	310.000	4,99%
2	Neporezni prihodi	2.513.000	2.288.000	225.000	8,95%
3	Tekući grantovi bez sredst. poplave	177.000	137.000	40.000	22,60%
4	Učešće MZ u finansiranju	570.000	440.000	130.000	22,81%

Sa sjednice Općinskog vijeća Tešanj

Prilikom izrade rebalansa budžeta izvršena je prvenstveno procjena mogućih ušteda unutar Organa uprave na bruto plaćama i naknadama zaposlenih i materijalnim rashodima organa uprave. Tako je na ovoj grupi rashoda načinjeno najveće procentualno umanjjenje.

Pored toga, u tekućem dijelu budžeta, izvršena je ravnomjerna raspodjela ušteda na pojedine grupe budžetskih korisnika od po 5% na godišnjem nivou.

Posmatrano po pojedinačnim grupama rashoda i izdataka izvršene su sljedeća umanjjenja:

R.br.	Grupa rashoda	Iznos po Budžetu	Iznos po rebalansu	Umanjenje	Procent umanjenja
1	Sredstva za plate i naknade	2.453.000	2.223.000	230.000	9,37%
2	Direktni materijalni rashodi OU	566.000	560.500	25.500	4,51%
3	Ostale usl.za opštredruštvene potrebe	1.474.000	1.445.000	29.000	1,98%
4	Tekući grantovi	2.565.700	2.415.200	150.500	5,87%
5	Kapitalni grantovi i izdaci	3.261.300	3.016.300	245.000	7,51%

S druge strane, kapitalni dio budžeta je umanjen prvenstveno za iznos manje ostvarenog učešća mjesnih zajednica i manje ostvarenih prihoda Fonda za vatrogastvo od 200.000,00 KM, što čini preko 80% umanjenja ove grupe rashoda. S toga se može reći da ove uštede nisu umanjile potencijal za realizaciju kapitalnih projekata koji se, izuzev u dijelu učešća mjesnih zajednica i u dijelu opremanja Civilne zaštite, mogu realizovati u 99%-tnom iznosu.

POSJETA PRIVREDNICIMA

Općinski načelnik sa saradnicima, nakon pauze zbog godišnjih odmora, nastavio obilazak privrednika sa područja općine Tešanj.

Konita i Sockmaker 3

Delegacija Općine Tešanj u sastavu: Općinski načelnik Fuad Šišić, savjet-



nik Općinskog načelnika za ekonomiju Izudin Ahmetlić i pomoćnik Općinskog načelnika Hamzaliya Hojkurić obišli su firme "Konita" i "Sock-maker 3".

Cilj posjete je bio susresti se sa privrednicima, posebno sa italijanskim vlasnikom i biznismenom poznatog svjetskog brenda u proizvodnji čarapa, Luigi Redinijem te ohrabriti ga za poziv novim partnerima za investiranje u Tešnju.

Posjeta je iskorištena da se razgovara i o izgradnji treće trake u Poslovnoj zoni Bukva.



Koža komerc i AS Jelah

Općinski načelnik Fuad Šišić sa saradnicima obišao je privrednike - Ediba



Šišića vlasnika firme "Koža komerc" i Sulejmana Hrvica vlasnika firme "AS" Jelah.

Cilj posjete firmi "Koža komerc" je bio na licu mjesta se uvjeriti kako se privrednici iz ove branše održavaju na tržištu u vrijeme krize, dok je razlog posjete firmi "AS" Jelah proširenje kapaciteta - gradnja nove hale koja je u završnoj fazi, kao i nabavka nove mašine za kekse (vafel proizvode). Općinski načelnik je kazao kako će administracija učiniti dodatne napore za stvaranje što povoljnijeg poslov-

nog ambijenta i pomoći privrednicima, a posebno je iskazao zadovoljstvo zbog proširenja kapaciteta, kao i prijema i upošljavanja novih radnika.



Obilazak jezera u Jelahu

Općinski načelnik Fuad Šišić sa saradnicima obišao je jezero koje se nalazi u blizini firme „IGM USORA“



Jelah. Radi se o jezeru koje je zbog nebrige prijetilo da postane ekološka bomba. Međutim, trenutno se o jezeru brine Udruženje građana „Bistro briki“ i nakon očišćene i uređene



okoline, vode se aktivnosti na formiranju staza, poribljavanju jezera, a u planu je i gradnja bungalova. Cilj je jezero koristiti za ribolov, ali i za zdravu hranu - otvaranje vlastite ribarnice. Na ovaj način bit će upotpunjena turistička ponuda općine Tešanj. Lokalna administracija će pružiti punu podršku ovom projektu u narednom periodu, kazao je Općinski načelnik.

POTICAJI ZA RAZVOJ OBRTA GRANT SREDSTVA

U Sali Općinskog vijeća Tešanj, 16. septembra potpisano je 19 ugovora ukupne vrijednosti 40 hiljada maraka za grant sredstva - poticaj za razvoj obrta.

U skladu sa Budžetom općine Tešanj za 2009. godinu, u kojem su za poticaj za razvoj zanata obrta planirana sredstva, Općinski načelnik je raspisao Javni poziv za odabir korisnika bespovratnih grant sredstava za razvoj obrta za 2009. godinu.

Predmet Javnog poziva bio je prikupljanje prijava za odabir korisnika bespovratnih grant sredstava radi poticaja razvoja obrta u općini Tešanj.

"Ovo je prvi put da Općina stimulise razvoj obrta na ovakav način. Najveći broj bodova dobili su stari zanati koji nestaju i mladi ljudi koji žele pokrenuti vlastiti biznis", istakao je Općinski načelnik u svom obraćanju.

Pravo učešća na Javnom pozivu imala su fizička lica koja su registrovana za obavljanje djelatnosti - proizvodno i uslužno zanatstvo ili osobe koje su podnijele zahtjev za odobrenje za rad u oblasti proizvodnog i uslužnog zanatstva.

Na Javni poziv pristiglo je ukupno 28 prijava od kojih je 19 bilo u skladu sa pozivom, a osam prijava je odbačeno



Potpisivanje ugovora za grant sredstva

jer nisu bili u skladu sa predmetom poziva (fizička i pravna lica sa registrovanom trgovinskom djelatnošću).

Spisak korisnika grant sredstava za 2009. godinu:

Red. broj	Ime i prezime	Zanimanje	Ukupno bodova	Visina sredstava (KM)
1	Bašić Besim	Servis elektromotora	80	3.000
2	Husarić Mirnes	Obrada metala	75	2.200
3	Hrnjić Majida	Frizer	75	2.200
4	Hojkurić Abdulah	Dimnjačar	75	2.200
5	Hasović Smajl	Kovač	70	2.200
6	Hasanić Elmin	Proizvodnja gljiva	70	2.200
7	Buljubašić Seid	Elektro-instalater	65	2.100
8	Katardžić Samir	Obrada kože	60	2.100
9	Mujaković Besim	Zidar-fasader	60	2.100
10	Ivkić Marko	Obrada kamena	60	2.100
11	Elezović Muharem	Obrada metala	60	2.100
12	Dizdarević Muhamed	Zidar-fasader	60	2.100
13	Jašarević Čazim	Stolar	55	2.000
14	Hrvić Nermin	Obrada metala	55	2.000
15	Jurišić Petar	Tapetar-dekorater	55	2.000
16	Galijašević Hasan	Auto limar-lakirer	55	2.000
17	Prnjavorac Subhija	Stolar	50	2.000
18	Galijašević Jasmin	Stolar	50	2.000
19	Artuković Adil	Stolar	50	2.000

UKUPNO: 40.000 KM

AKTIVNOSTI U RADU MJESNIH ZAJEDNICA SA PODRUČJA OPĆINE TEŠANJ

Predstavnici mjesnih zajednica sa područja općine Tešanj dostavili su press centru Općine Tešanj trenutne aktivnosti u radu svojih mjesnih zajednica

MZ ŠIJE

U mjesnoj zajednici Šije u toku 2009. godine:

Prioritet kao i svake godine jeste ka-



nalizaciona mreža. Pošto prošle godine nije realizovan ugovor između Općine Tešanj i izvođača radova u cjelosti, ove godine je nastavljen i to dionica "Donje Polje - rijeka Bosna". Postignut je dogovor između vlasnika parcele preko koje je trebala da ide ova dionica, tako da je ove godine kanalizaciona mreža pružena sve do rijeke Bosne. Također, ovom dionicom presječen je i put M-17. Ove godine također će se nastaviti projekat kanalizacije i to u dva pravca: U Gornjem

polju, od stare ceste prema pilani i u Donjem polju, od škole prema Gornjim Šijama.



PUT MEDAKOVO - ŠIJE

Bitan projekat za mjesnu zajednicu Šije je regionalni put "Medakovo-Šije", koji je u završnoj fazi i treba da izađe kod benzinske pumpe "Kosovčić". Radovi su u toku i za otprilike 90 dana taj dio puta bit će završen. A bit će utrošeno oko 350.000,00 KM.



Svake godine, pa i ove, 20 % sredstava za kapitalne projekte ide u nastavak izgradnje lokalnih puteva. Ove godine će oko 10.000,00 KM biti utrošeno u put "Rakmani-Halilovići". Džemati Gornje Šije i Gornje Polje su nastavili sa ograđivanjem mezaretlja u Meškićima, Buljubašićima i Gornjem polju, kod autobuske stanice.

AKTIVNOSTI MLADIH

I mladi su bili aktivni u toku ove godine. Naime, grupa mladih je sa aktivnim učešćem Mjesne zajednice dobila sredstva u iznosu od 4.000,00 KM od fondacije "MOZAIK" i Općine Tešanj za rekonstrukciju sportskog travnatog terena na dionici takozvane "JARUGE" što je bilo dovoljno za prvu fazu, a to je ravnanje i proširenje terena i stvaranje jedne lijepe turističke destinacije.



Sportski teren Jaruge

A za 4. juli ove godine MZ Šije je organizovala i tradicionalni teferić koji je bio praćen kulturno-zabavnim i sportskim programom. Ono što je jako bitno MZ Šije je obnovila i bratske odnose sa Mjesnom

zajednicom Oraovica iz Republike Makedonije koji su također bili prisutni na teferiću i MZ Šije je domaćinski ugostila oko 20 Makedonaca. Ti odnosi i posjete će biti nastavljeni i narednih godina.

MZ MRKOTIĆ

Izgradnja šumske staze

Na području MZ Mrkotić, lokalitet Borika i Ramića Brda počela je izgradnja pješačke šumske staze (trim-staze). Staza se nalazi na prelijepom lokalitetu prekrivenom borovom šumom. Dužina staze je između 1.600 i 1.900 m. Finansiranje dosadašnjih aktivnosti vršeno je sredstvima odobrenim iz Budžeta Općine Tešanj za ove namjene u iznosu od 6.790,00 KM. Kompletan projekat proizišao je iz projektnih zadataka određenih od strane Općinskog načelnika prema resornoj Službi. Do sada je cjelokupna dionica trasirana, tamo gdje je potrebno nasuta, postavljane su stepenice (300 kom), urađen je jedan mostić, te postavljene korpe za otpatke. U daljim aktivnostima na izletištu se

planira izgradnja stolova i klupa za što je nabavljen i repromaterijal. U narednim fazama u saradnji sa Turističkom zajednicom ZDK uradit će se turistička signalizacija do staze i duž iste, te klupe za odmor rekreativaca. Po završetku aktivnosti MZ Mrkotić planira upriličiti otvaranje i prezentaciju staze sa pozivom posjetiteljima.

Urađen projekat javne rasvjete

Sredstvima planiranim Budžetom Općine Tešanj urađen je projekat javne rasvjete za cijelo područje MZ Mrkotić. Trenutno je projekat u fazi pribavljanja urbanističke i građevinske dozvole. Istim su predviđena tri mjerna mjesta za priključivanje a sve prema raspoloživim trafo-područjima. Namjera Izrade ovog projekta je da se cijelom području MZ Mrkotić omogući dobivanje priključka na javnu rasvjetu, a sama realizacija projekta će biti usklađena sa zainteresovanošću mještana na određenom području, budući da Općina Tešanj ne učestvuje u izgradnji ovog dijela infrastrukture, već samo u finansiranju utroška električne energije. Savjet MZ Mrkotić smatra da ovakvim pristupom niti jedan dio MZ nije privilegovan, nego svi imaju jednake mogućno-



Šumska staza u MZ Mrkotić

sti za organizaciju. U dosadašnjem tijeku izrade projektne dokumentacije za bilo koju vrstu infrastrukture, ovakav pristup se pokazao kao najbolji, te na terenu nailazi na podršku mještana.

Otvorenje puta Dom-Pelte

U nedjelju, 11. oktobra 2009. godine Općinski načelnik Fuad Šišić i predsjednik Savjeta MZ Mrkotić Nedžad Unkić otvorili su dionicu puta "Dom-Pelte", dužine 830 m. Prvobitno je planirano izvođenje radova na asfaltiranju dijela trase, ali velikom angažovanošću mještana, te dodatnim sredstvima urađena je kompletna dionica. Vrijednost radova je preko 60.000 KM, a finansijeri su Općina Tešanj i građani, dok je izvođač radova firma "Rial-šped" d.o.o. Doboj Istok. Nakon otvorenja uslijedilo je narodno veselje koje su pripremili predstavnici mjesne zajednice.



Sa otvaranja puta Dom-Pelte

MZ KARADAGLIJE

Nove prostorije MZ-e

Dugi niz godina kancelarija MZ Karadaglje se nalazila u zgradi tzv. "Staroj školi" koja sticajem okolnosti jako zastarjela i vremenom je postajala bezuslovna za korištenje u bilo kakve svrhe, sama po sebi je postala kritična za postojanje, zidovi i krov su postali urušeni.

Ove godine organi MZ-e su prvo osposobili uslovnu kancelariju u tzv. "Staroj

ambulantni" koja je, s druge strane imala smisla za obnavljanje i rekonstrukciju, pa samim tim već u aprilu 2009. godine od vlasnika ove zgrade tj. Općine Tešanj dobila se dozvola za korištenje i rekonstrukciju.

Trenutno se izvode još neki radovi u unutrašnjosti zgrade, ali već 4-5 mjeseci kancelarija MZ-e radi svakim radnim danom od 9-13 h i samim tim mještanima ove mjesne zajednice se u punom smislu pružaju usluge.



Nove prostorije MZ

Rušenje stare škole

Nakon osposobljavanja kancelarije MZ-e druga aktivnost koju su pokrenuli organi MZ-e zajedno sa svim zainteresovanim građanima bila je rušenje tzv. Stare škole s ciljem da se na terenu izgradi poligon za mlade. Skidanje krova i građe trajalo je tri dana i u ovoj akciji učestvovalo je oko 20-tak mještana, a odvoz materijala i skidanje cokla

veći dio posla su odradile mašine. Rušenje ovog zastarjelog objekta proteklo



Rušenje stare škole

je u najboljem redu i po propisima. Trenutno je u proceduri tenderska dokumentacija za izgradnju poligona za mlade, a na tzv. Staru školu ostala su samo sjećanja.

Također, organi MZ-e trenutno rade i na prikupljanju dokumentacije za dobijanje građevinske dozvole, a za izgradnju ulične rasvjete na relaciji od Džamije prema Koprivcima i kroz selo u Karadaglijama.

REALIZACIJA KAPITALNIH PROJEKATA U 2009. GODINI

Odlukom Općinskog vijeća Tešanj iz maja mjeseca ove godine utvrđen je paket projekata koji se finansira iz budžeta Općine Tešanj u 2009. godini. Kako se ostavlja mogućnost savjetima mjesnih zajednica da mogu, po potrebi, sredstva preusmjeriti za vraćanje dugova iz prethodnih godina, onda je to i učinjeno u više mjesnih zajednica. To je jedan od razloga manjeg obuhvata izvođenja radova u ovoj godini u tim mjesnim zajednicama (Raduša, Vukovo, Karadaglije, Oraš Planje, Tešanjka Lepenica, Ja-



Dobojska ulica u Jelahu

blanica i Tešanj). Nakon okončane, inače pravno veoma duge procedure javne nabavke, potpisani su ugovori za putnu infrastrukturu sa tri firme: RIAL-ŠPED, Doboj Istok - 14 lotova, HS putevi, Tešanj - 4 lota, i GEOPUT, Maglaj - 1 lot. Općinska administracija je bila veoma angažovana kako bi sve ipak bilo pripremljeno, iako sa svega dva menadžera za realizaciju projekata. Zahvaljujući pogodnim vremenskim uslovima, i spremnosti izvođača radova, radovi se odvijaju veoma uspješno na većini dionici. Tako su okončane dionice: Mrkotić, Srebrenička ulica - Jelah, Željeznički prolaz Jelah, Samira Mehinovića Jelah, Dobojska - Jelah i Bobare - Blaževci. Uspješno se odvijaju radovi na putu Kalabići, Jablanica kao i Ošljak-Ravne, Tešanj. Nastavlja se uvođenje izvođača radova na drugim dionicama. Uspješno se završava i uređenje javnog trga na Tešanjci. Završetak radova na putu



*Asfaltiranje puta u
MZ Bobare-Drinčići-Blaževci*

Medakovo-Šije i spajanje novom trasom sa M-17 je u toku.

Na žalost, firma HS putevi iako uvedena na put Vehabi, Dobropolje-Mekiš je odustala od ovog i još dva lota što nas dovodi u prilično tešku situaciju jer prema zakonu moramo krenuti u novu proceduru javne nabavke, pa je neizvjestan završetak ove godine. Sedam dječijih igrališta će biti implementirano i to: Ljetinić, Rosulje, Mrkotić, Šije i Raduša, a u Jelahu i Kraševu je već realizovano. Asfaltiranje puta kroz industrijsku zonu "Ekonomija" Jelah je isto tako uspješno završeno. U toku je izvođenje radova na teniskom igralištu iza objekta Sportske dvorane kod Srednjoškolskog centra. Zgrada boračkih populacija "Špitalj" je okončana. No-



*Radovi na izgradnji puta
Dom - Pelte u MZ Mrkotić*

va šumska staza u Mrkotiću, uz snažnu aktivnost mjesne zajednice i ekoparkovi u Kaloševiću, Marin Hanu i Tešnju se privode ovih dana željenom izgledu. Kloniratori na bunarevima u Kaloševiću su u fazi ugradnje. Pro-

jektovanje raskrsnice u Jelahu je u toku, a raspisan je javni tender za izgradnju autobusnog stajališta, i okretišta za srednjoškolski centar u Dolcu. Započeli smo intenzivne aktivnosti sa KP "RAD" na izradi planske dokumentacije u oblasti transporta i prerade otpadnih voda - kanalizacije za cijelo područje općine Tešanj.

Sredstva vodnih naknada koja osigurava Vlada ZDK su raspoređena na izgradnju vodovoda Mekiš-Dobropolje, Oraš Planje, kanalizaciju Šije i vodovod Dž. Planje (projekti započeti ranijih godina). Za sada je izvođač - "HS putevi" uveden na izgradnju rezervoara Mekiš-Dobropolje, ali kako avansna sredstva Vlade ZDK u skladu sa ugovorom nisu uplaćena, izvođač radova ne želi početi sa radovima. Za ostale navedene projekte je javni tender u fazi prikupljanja ponuda.



Šumska staza u MZ Mrkotić

Dugogodišnji projekat vodosnabdjevanja "Pousorja" je priveden kraju i pušten u probni rad. Okončani su i nezavršeni projekti iz 2008. godine. Najneizvjesnija sredstva su za puteve iz budžeta ZDK, putem Ministarstva okoliša, prometa i komunikacija. Iz ovih sredstava smo predvidjeli treću traku u Bukvi (250.000,00 KM odobreno 350.000,00 KM, ali zbog recesije umanjeno), zatim dva puta u Medakovu, Trepču i Joldićima po 50.000,00 KM, podrška izgradnji autobusnog stajališta za SŠC od 50.000,00 KM te spajanje nedovršene dionice između O. i Dž. Planje (35.000,00 KM). Iako je sa strane Općine Tešanj sve razriješeno, potpisan protokol između Općine Tešanj i resornog Ministarstva, još nije raspisan javni tender od strane nadležnog Ministarstva.

PREGLED KAPITALNIH PROJEKATA ZA 2009. GODINU

RB	PROJEKAT	UGOVOR	IZVOĐAČ RADOVA	STATUS
1.	Put Medakovo-Šije LC13	Ugovor potpisan ZDK za izvođenje radova , Općina Tešanj: imovinsko- pravni poslovi	„Rial šped“ d.o.o. Doboj - Istok	Radovi počeli 01.09.2009. U toku
2.	Sportska dvorana Tešanj – Tenisko igralište	Ugovor potpisan 19.08.2009.	„AB trans“ d.o.o. Tešanj	Radovi počeli 26.08.2009. U toku
3.	Vodovod Dobropolje-Mekiš	Ugovor potpisan 07.09.2009.	„HS – putevi“ d.o.o. Tešanj	U toku
4.	Vodovod Kalošević (nabavka hlorinatora za vodovod Kalošević i vodovod O.Š. „Abdulvehab Ilhamija“)	Ugovor potpisan 02.09.2009.	„MC FILTER TECHNIK“ d.o.o. Usora	Radovi počeli 02.09.2009. U toku
5.	Vodovod Medakovo -Trepče (izmjena glavnog projekta)	Ugovor potpisan 04.06.2009.	IPSA INSTITUT d.o.o. Sarajevo	Završeno
6.	Zgrada „Špitalj IV“ u Tešnju	Ugovor potpisan 03.08.2009.	„Čosić promex“ d.o.o. Usora	Završeno
7.	Centar za kulturu i obrazovanje Tešanj – sanacija krova	Ugovor potpisan 19.08.2009.	„Nedjing“ d.o.o. Tešanj	Završeno
8.	MZ Tešanjka – izgradnja trotoara na M-4, izrada idejnog i glavnog projekta	Ugovor potpisan u 2009.	„Geo prim“ d.o.o.	Završeno
9.	Sistem vatrodajve Opća bolnica Tešanj	Ugovor potpisan 13.07.2009.	„Elektroinstalaterska radnja“ SZR vl. Nedžad Saltagić	Radovi završeni
10.	Izrada idejnih i glavnih projekta sportskih dvorana u Jablanici, Kaloševiću i Miljanovcima	Ugovor potpisan 01.09.2009.	„Hrvić-gradnja“ d.o.o.	Projektovanje u toku
11.	Izrada glavnog projekta autobusnog stajališta i okretnice sa parkingom	Ugovor potpisan 30.07.2009.	JP za prostorno planiranje i uređenja grada „Zenica“ d.o.o.	Projektovanje završeno
12.	Sanacija postojećeg cjevovoda ø1000 mm kod Katoličke crkve u Tešnju	Ugovor potpisan 04.08.2009.	„Geo-put“ d.o.o. Maglaj	Radovi nisu završeni
13.	Izrada programskog rješenja Doma kulture u Jelahu	Ugovor potpisan 22.06.2009.	Autorski tim: Muhamed Hamidović i Elvedin Bečić	Projektovanje u toku
14.	Izrada tehničko-tehnološkog koncepta za rekonstrukciju postojećeg hotela u Tešnju	Ugovor potpisan 22.06.2009.	Autorski tim: Muhamed Hamidović i Elvedin Bečić	Projektovanje u toku
15.	Izrada idejnog arhitektonskog projekta stambeno-poslovnog objekta „Katanga“	Ugovor potpisan 22.06.2009.	Autorski tim: Muhamed Hamidović i Elvedin Bečić	Projektovanje u toku
16.	Put Čifluk (IV faza)	Ugovor potpisan 9.09.2009.	„Rial-šped“ d.o.o. Doboj Istok	U toku
17.	Put Kalabići	Ugovor potpisan 9.09.2009.	„Geo-put“ d.o.o. Maglaj	U toku
18.	Put Dom-Bedaci (III faza)	Ugovor potpisan 9.09.2009.	„HS – putevi“ d.o.o. Tešanj	U toku
19.	Asfaltiranje puta Hrvatinići (Grebļje- Vodovodna ulica)	Ugovor potpisan 9.09.2009.	„Rial-šped“ d.o.o. Doboj Istok	U toku
20.	Asfaltiranje puta Njivice	Ugovor potpisan 9.09.2009.	„HS – putevi“ d.o.o. Tešanj	U toku
21.	Put Mehmedovići-Žilići	Ugovor potpisan 9.09.2009.	„HS – putevi“ d.o.o. Tešanj	U toku
22.	Put Usora-Hakića brdo	Ugovor potpisan 9.09.2009.	„Rial-šped“ d.o.o. Doboj Istok	U toku
23.	Asfaltiranje puta Alibalići-Ahmići1 i krak2	Ugovor potpisan 9.09.2009.	„Rial-šped“ d.o.o. Doboj Istok	U toku
24.	Put Dom-Pelte (rekonstrukcija i asfaltiranje)	Ugovor potpisan 9.09.2009.	„Rial-šped“ d.o.o. Doboj Istok	Završeno
25.	Asfaltiranje puta Ošljak - Ravne	Ugovor potpisan 9.09.2009.	„Rial-šped“ d.o.o. Doboj Istok	Završeno
26.	NC Blaževci – Križ – R474	Ugovor potpisan 9.09.2009.	„Rial-šped“ d.o.o. Doboj Istok	Završeno
27.	Asfaltiranje puta Osoje (III faza)	Ugovor potpisan 9.09.2009.	„Rial-šped“ d.o.o. Doboj Istok	Završeno
28.	Asfaltiranje puta Vehabi (IV faza)	Ugovor potpisan 9.09.2009.	„HS – putevi“ d.o.o. Tešanj	U toku
29.	Asfaltiranje ulica u Jelahu (Željeznički prolaz, Samira Mehinovića i Dobojska)	Ugovor potpisan 9.09.2009.	„Rial-šped“ d.o.o. Doboj Istok	Završeno
30.	Put Ristići (rekonstrukcija i asfaltiranje)	Ugovor potpisan 9.09.2009.	„Rial-šped“ d.o.o. Doboj Istok	U toku
31.	Izgradnja trotoara od Shoppinga prema Potočanima	Ugovor potpisan 9.09.2009.	„AB trans“ d.o.o. Tešanj	U toku
32.	Asfaltiranje privredne zone „Ekonomija“	Ugovor potpisan 9.09.2009.	„Rial-šped“ d.o.o. Doboj Istok	Završeno
33.	Regulacija dijela potoka Krndija kod Osnovne škole	Ugovor iz 2008. godine	„HS – putevi“ d.o.o. Tešanj	Završeno
34.	Izgradnja kanalizacije u MZ Šije (II faza)	Ugovor iz 2008. godine	„Geo-put“ d.o.o. Maglaj	Radovi u toku
35.	Izgradnja saobraćajnice poslovna zona Bukva (I faza)	Ugovor iz 2008. godine	„AB trans“ d.o.o. Tešanj	Radovi završeni
36.	Vodovod Oraš Planje (II faza)	Ugovor iz 2008. godine	„AB trans“ d.o.o. Tešanj	Radovi u toku
37.	Uređenje prizemlja Općine Tešanj	Ugovor iz 2008. godine	„Nedjing“ d.o.o. Tešanj	Radovi završeni
38.	Prilaz i parking prostor za poslovni niz objekata Tošk	Ugovor iz 2008. godine	„AB trans“ d.o.o. Tešanj	Radovi završeni
39.	Odvodnja oborinskih i otpadnih voda kod Toška	Ugovor iz 2008. godine	„Geo-put“ d.o.o. Maglaj	Radovi završeni

oktobar/listopad 2009.

AKTUELNO

MZ JELAH

Asfaltiranje ulica

Firma "Rijal-šped" d.o.o. Doboj Istok je 29.09.2009.godine okončala radove na asfaltiranju ulica "Samira Mehinić", "Željeznički prolaz", "Dobojka" i dijela saobraćajnica u Industrijskoj zoni "Ekonomija" u Jelahu. Ovi radovi su okončani u sklopu realizacije kapitalnih projekata općine Tešanj za 2009.godinu, a finansijska sredstva su obezbjedila općina Tešanj, MZ Jelah i građani ličnim učešćem. U sklopu ovih aktivnosti MZ Jelah je zajedno sa građanima obezbjedila i dodatna sredstva, tako da su ulice "Že-

ljeznički prolaz" i "Samira Mehinić" dodatno proširene za 0,5 metara asfaltnog zastora.

Ovih dana firma „AB trans“ Tešanj treba da započne radove na izgradnji trotoara na potezu od zgrade "Kamel" do ambulante u Jelahu u skladu sa projektnom dokumentacijom. Na ovom potezu u dužini od cca 300 metara predviđeno je da se ostavi prostor za još jednu saobraćajnu traku na dijelu magistralne ceste M-4, a trotoar širine tri metra će biti urađen betonskim kockama.

Izgradnja ovog trotoara mnogo će značiti brojnim pješacima. MZ Jelah zajedno sa građanima vodi intenzivne aktivnosti na izgradnji ulične rasvjete



Ulica Željeznički prolaz u Jelahu

u ulicama "Mostarska", "Željeznički prolaz", "Ivana Franje Jukića" i "Nikole Šopa". Kompletna sredstva za ove aktivnosti obezbjedit će MZ Jelah i sami građani, a okončanje radova očekuje se do kraja oktobra.

MZ PILJUŽIĆI

Mini sportski centar

Neformalna grupa omladinaca na čelu sa Irfanom Garićem se prije četiri godine javila sa idejom o mini sportskom centru u Piljužićima, ali je realizacija počela prije dvije godine. Do danas je uloženo oko 30 hiljada maraka, a projekat su najviše pomogli Općina Tešanj, Fondacija MOZAIK, kao

nog sportskog objekta. Cijeli kompleks će koštati oko 150 hiljada KM.

Spomen obilježje

Drugi dan Bajrama, na Dan šehida, uz prisustvo nekoliko stotina građana Općine Tešanj otvoreno je 15. spomen obilježje šehida i poginulih boraca sa područja općine Tešanj. Manifestaciji su prisustvovali muftija zenički mr. Ejub ef. Dautović, glavni MIZ Tešanj mr. Fuad ef. Omerbašić, Općinski na-

čelnik Fuad Šišić, predsjednik OO SDA Tešanj Šemsudin Mehmedović, ratni komandanti i imami MIZ Tešanj. Za domovinu, za slobodu, za ovu lijepu blagodat što mi danas uživamo, dalo je svoje živote 27 šehida iz džemata Piljužići.

Također, u MZ Piljužići planira se i asfaltiranje puteva: Pilavi I (Sole-Čepklija) i Pilavi II (Hujduri - Purkovići) dužine 1000 metara.



Sportski poligon

i privatnici i mještani. Lokacija na kojoj se radi Sportski centar je u ratu korištena kao deponija otpada, a danas tu imamo terene za mali nogomet, odbojku, stoni tenis, boćanje, šah...

Planirana je izgradnja tenis terena, asfaltiranje, rasvjeta, izgradnja pomoć-



Spomen obilježje

MZ MILJANOVCI-LONČARI

Shodno zaključku sa IV sjednice Savjeta MZ Miljanovci-Lončari izrađene su oglasne ploče na tri lokacije. Ploče su postavljene pored lokalne ceste, a njihov izgled u određenoj mjeri

osvježava sliku tih dijelova MZ. Nadamo se da će uticati na ekološku osviještenost mještana, ali i prolaznika. MZ je shodno planskim aktivnostima Općine Tešanj izvršila uklanjanje

nje dvije manje divlje deponije u naseljenom mjestu Lončari i jednu veću duž i u samom potoku od Palučka ka Jelahu. Realizaciju ovih aktivnosti, pored Općine, pomogao je mještalin Nermin Delić kome se ovom prilikom zahvaljujemo.

CILJEVI 2009

Stepen dostignute realizacije

Iako je budžetski dokument ključan za realizaciju tekućih ciljeva u jednoj godini, rukovodni tim Općine Tešanj je dodatno definisao realizaciju ključnih ciljeva u 2009. godini koji su naslovnjeni na Strategiju razvoja, Strategiju za dostizanje vizije Općine Tešanj te svakako i na budžetski okvir. Ipak, tekuća lista kapitalnih projekata se realizira na operativnom nivou, a ovdje ističemo krovne ciljeve i stepen njihove realizacije za prvih osam mjeseci. Iako je stepen realizacije 60%, treba imati na umu da je budžet usvojen krajem februara, da je bilo mnogo neslaganja oko Agencije za razvoj, te da je i lista kapitalnih projekata usvojena tek krajem aprila.

Ako na ovaj način analitički sagledamo ciljeve, vidjet ćemo da je stvarno potreban dodatni angažman i fokus na sistemskim pitanjima vodosnabdijevanja i kanalizacije, rješavanju pitanja saobraćaja i stepenu zadovoljstva korisnika usluga. Istovremeno, dva cilja će trebati redefinisati: Nove parking površine u centru Tešnja su obuhvaćene realizacijom regulacionog plana "Musala", te rješenjem urbanog parka u Tešnju i isti će biti dodatno razmatran kroz Idejni projekat saobraćaja u centru Tešnja. S druge strane, Sajam voda i dani meda ne pokazuje potencijal i zajednički interes lokalnih sudionika kako bi prerastao u ozbiljan regionalni sajam, te će ovaj cilj trebati redefinisati.

Ističemo da smo u okviru razvoja menadžment sistema Općine Tešanj implementirali softver za rad sa elektronskom dokumentacijom, institucionalizirali razvoj novih ideja, uveli stalni alat za urednost radnog mjesta, a edukacija rukovodnog tima u pogledu određenih menadžerskih vještina traje već pet mjeseci.

Uposljeni su motivisani da predlažu nove ideje za poboljšanje rada administracije i izgleda naše sredine, i za sedam mjeseci smo imali 60 novih ve-

oma korisnih ideja. Istovremeno smo implementirali stalni mjesečni nadzor čistoće i urednosti radnog prostora koju provodi neovisna radna grupa. Do sada je otklonjeno 65% utvrđenih ne-

dostataka po zapisnicima radne grupe. Značajna poboljšanja su postignuta u reportingu.

"Ako ne znaš kuda ideš, svi putevi vode tamo."

Zadatak	% Ispunjena cilja
OS - Uvesti elektronsko praćenje upravnih postupaka	0 0 0 0 0 0 0 0
OS - Uvesti i pratiti stepen zadovoljenja korisnika usluga i uposlenih	0 0 0 0 0 0 0 0
OS - Uvesti aplikaciju za transparentan prikaz i sledjnost kapitalnih projekata	0 0 0 0 0 0 0 0
MS - Uvesti Menadžment sistem Općine Tešanj	0 0 0 0 0 0 0 0
MS - Realizirati min 6 ciljeva iz Strategije za dostizanje Vizije Općine Tešanj	0 0 0 0 0 0 0 0
MS - Realizirati min 20 ciljeva iz Strategije razvoja Općine Tešanj	0 0 0 0 0 0 0 0
Agencija za razvoj - osnivanje	0 0 0 0 0 0 0 0
Nova organizacija gradske Uprave	0 0 0 0 0 0 0 0
Nova sistematizacija radnih mjesta	0 0 0 0 0 0 0 0
Management sistem Općine Tešanj	0 0 0 0 0 0 0 0
Projeatna izvedena dokumentacija raskrsnice Jelah	0 0 0 0 0 0 0 0
Idejni projekat saobraćaja u centru Tešnja	0 0 0 0 0 0 0 0
Realizacija Regulacionog plana MUSALA	0 0 0 0 0 0 0 0
Izrada projekatne dokumentacije URBANI PARK Tešanj	0 0 0 0 0 0 0 0
Definisati nove površine za parking u centru Tešnja	0 0 0 0 0 0 0 0
Završiti put Medakovo-Šije	0 0 0 0 0 0 0 0
Jedna nova privredna zoni	0 0 0 0 0 0 0 0
Unaprijediti postojeće posredništvo	0 0 0 0 0 0 0 0
Zasad novih zelenih površina - min 1000 kom	0 0 0 0 0 0 0 0
Početak izrade Studije vodosnabdijevanja i termim plan aktivnosti	0 0 0 0 0 0 0 0
Početak izrade Studije kanalizacije i termim plan aktivnosti	0 0 0 0 0 0 0 0
Studija razvoja Regionalne infrastrukture 2010-2025	0 0 0 0 0 0 0 0
Godišnja izjava u budžetu i izveštje	0 0 0 0 0 0 0 0
Modernizacija usluga Centar za socijalni rad	0 0 0 0 0 0 0 0
Izrada projekatne dokumentacije za izradu biblioteka	0 0 0 0 0 0 0 0
Izgraditi 7 malih dečjih igrališta	0 0 0 0 0 0 0 0
Izraditi Strategiju podrške mladim	0 0 0 0 0 0 0 0
IT podrška - elektronska dokumentacija	0 0 0 0 0 0 0 0
Edukacija i motivacija na operativnom nivou	0 0 0 0 0 0 0 0
Edukacija na višem rukovodnom nivou u cilju osnaživanja znanja i vještina	0 0 0 0 0 0 0 0
Plan okupljanja običaja na području Općine Tešanj	0 0 0 0 0 0 0 0
Musalski koncerti	0 0 0 0 0 0 0 0
Institucionalno djelovanje	0 0 0 0 0 0 0 0
Samostalno izvođenje izjava	0 0 0 0 0 0 0 0
Organizacija i održavanje	0 0 0 0 0 0 0 0
Sajam voda i dani meda	0 0 0 0 0 0 0 0

oktobar/listopad 2009.

IZ SLUŽBE CIVILNE ZAŠTITE

U TOKU IZRADA PLANA ZAŠTITE OD POŽARA OPĆINE TEŠANJ

Zaštita od požara je, svakako jedna od bitnijih mjera zaštite i spašavanja i trenutno jedan od najorganiziranijih segmenata u sistemu zaštite i spašavanja na području općine Tešanj.

Uvođenje savremenih tehnologija u proizvodnji, povećan broj preduzeća u prometu nafte i naftnih derivata, plina i hemijskih sredstava, kao i povećan broj stambenih i poslovnih objekata na području općine, doprineo je povećanju požarne opterećenosti i iskazuje izradu odgovarajućih planskih dokumenata zaštite od požara. U skladu sa navedenim, Općina Tešanj je u mjesecu augustu putem javne nabavke sa ovlaštenim preduzećem "Energo-tehnika" iz Doboja, potpisala ugovor koji se odnosi na izradu *Plana zaštite od požara općine Tešanj*.

Ovim planom će biti utvrđeni pravci daljeg razvoja protivpožarne zaštite i utvrđene mjere i ciljevi za dostizanje



Stručna obuka vatrogasaca

adekvatnog nivoa spremnosti u zaštiti od požara na cijelom području općine. Rok za izradu Plana zaštite od požara

je 150 dana, nakon čega će biti ponuđen Općinskom vijeću na usvajanje.

VOLONTERI U SLUŽBI CIVILNE ZAŠTITE

Ove godine Općina Tešanj je omogućila nekolicini nezaposlenih sa završenom visokom i srednjom stručnom spremom da kroz volonterski rad odrade pripravnički staž i steknu potrebna znanja i uslove za dalje usavršavanje i polaganje stručnih ispita, kao i sticanje potrebnog radnog iskustva. U Službi civilne zaštite volontiraju četiri volontera pripravnika, jedan sa visokom stručnom spremom pravnog

smjera (Mujezinović Armina, dipl. pravnik) i tri sa srednjom stručnom



Volonteri u službi CZ-e

spremom (Dizdarević Nermin, Travanić Muris i Hodžić Armin, pripravnik-vatrogasac).

Ovo je po prvi put da pripravnici-vatrogasci volontiraju u Službi civilne zaštite, gdje se upoznaju sa poslovima i zadacima u Profesionalnoj vatrogasnoj jedinici. Također, ovo je prilika da se stručno osposobe za polaganje ispita za profesionalnog vatrogasca, što je u ovom momentu deficitarno zanimanje, ako se uzmu u obzir mlađe generacije.

REALIZOVAN PROJEKAT REKONSTRUKCIJE OPERATIVNOG CENTRA CIVILNE ZAŠTITE

Programom razvoja sistema zaštite i spašavanja ljudi i materijalnih dobara 2007-2011. godina, utvrđeni su osnovni ciljevi i pravci petogodišnjeg razvoja zaštite i spašavanja na području općine Tešanj. Jedan od ciljeva je uspostava, opremanje i stavljanje u funkciju operativnog centra civilne zaštite, koji će uvođenjem savremenih tehničko-tehnoloških i komunikacijsko-informacionih rješenja, osigurati približavanje i uvezivanje u Evropski sistem do jave i zaštite i spašavanja u kojem se koristi broj 112. To će uslijediti nakon što Bosna i Hercegovina bude uvezana u Evropski sistem, što se očekuje 2011. godine. Shodno tome, Služba civilne zaštite svake godine provodi aktivnosti koje imaju za cilj približavanju navedenim normama. U mjesecu junu i julu izvršena je rekonstrukcija operativnog centra kojom prilikom su obezbjeđeni tehnički i drugi funkcionalni uslovi i instalirana ranija i nova komunika-

cijska oprema. Projekat je finansiran iz sredstava posebnog poreza za zaštitu od prirodnih i drugih nesreća. Buduće aktivnosti će biti usmjerene ka uspostavi multiservisne i informacijsko-komunikacijske mreže vertikalnih i horizontalnih sistema veza, a posebno ka uspostavi geografskog informacijskog sistema (GIS).



Operativni centar

VODOVOD "POUSORJE" PUŠTEN U PROBNI RAD

U petak, 11. septembra predstavnik izvođača radova, firme "ŠF inženjering" iz Tuzle predao ključeve sistema za vodosnabdjevanje "Pousorje" predstavnicima Općine Tešanj i KP "Rad".

Preuzimanjem ključeva započeo je probni rad vodovoda "Pousorje", koji će omogućiti snabdjevanje vodom tri mjesne zajednice: Miljanovci - Lončari, Novi Miljanovci i Piljužići.

KP "Rad" je odmah započeo sanitarno-higijensko ispiranje objekata i vodovodne mreže. U ovom periodu voda iz vodovoda "Pousorje" nije za piće i ljudsku upotrebu, te se moli građanstvo da vodu ne koristi dok se ne dobiju nalazi od ovlaštene institucije da je voda higijenski ispravna.



Predati ključevi predstavnicima JP "Rad" Tešanj

inače, ukupna vrijednost projekta vodovoda "Pousorje" bez sekundarnih priključaka iznosi 2,2 miliona maraka.

MISTIČNA KUGLA U TEŠNJU

U parku OŠ "Huso Hodžić" u Tešnju postavljena je mistična kugla. Radi se o kugli težine 7600 kg koju



je Izudin Ahmetlić poklonio svom gradu.

U BiH je registrovano preko dvadeset lokacija s misterioznim prahistorijskim fenomenom kamenih kugli.

Osim u BiH, kugle su pronađene i u Meksiku i Kostariki.

Kugla je građena od pješćanjaka, granita i vulkanskog kamena.

"Ova mistična kugla će upotpuniti turističku ponudu naše općine", kazao je Izudin Ahmetlić.



POSJETA PREDSTAVNIKA HOLANDSKOG VATROGASNOG SAVEZA

Predstavnici Holandskog vatrogasnog saveza, posjetili su Profesionalnu



Posjeta Holandskog vatrogasnog saveza

vatrogasnu jedinicu Tešanj, kojom prilikom su upoznati sa organizacijom i načinom rada, kao i opremljenošću ove jedinice. Posjeta je upriličena u sklopu aktivnosti Vlade Holandije i doniranja vatrogasnog vozila "Dobrovoljnom vatrogasnom društvu Kotorско".

Gosti su tom prilikom iskazali interesovanje da u sklopu svojih aktivnosti posjete Profesionalnu vatrogasnu je-

dinicu Tešanj i obiđu staru gradsku jezgru Tešnja.



Holandani u Tešnju

SVEČANA PROMOCIJA TURISTIČKE INICIJATIVE „TRAGOVIMA BOSANSKOG KRALJEVSTVA“

U subotu, 26. septembra 2009. godine na tešanjском tvrđavi *Gradini* održana je svečana promocija bosanskohercegovačke turističke inicijative „*Tragovima bosanskog kraljevstva*.“ U organizaciji Fondacije MO-

ZAİK, a u okviru istoimenog projekta organizovano je studijsko putovanje za dvadesetak predstavnika turističkih agencija iz zemlje i inostranstva, koji su posjetili deset bh gradova. Od 25. do 27. septembra gosti

su posjetili Visoko, Čajengrad, Vareš, Bobovac, Kraljevu Sutjesku, Vranduk, Maglaj, Tešanj, te Jajce i Travnik. Oni su se kroz ovo putovanje upoznali sa tematikom, okusima, historijom i običajima srednjovjekovne bosanske države, te posjetili kulturno-historijske spomenike iz tog doba, koji su pravo kulturno blago i do sada najmanje iskorišten turistički resurs ovog podneblja. Cilj projekta je da kroz tematiku srednjovjekovne bosanske države poboljša konkurentnost BiH u sferi kulturnog turizma i na taj način privuče turiste.

Na svečanoj promociji u Tešnju, gostima se obratio i želeo dobrodošlicu Op-



Posjeta predstavnika turističkih agencija Gradini

ćinski načelnik Fuad Šišić, kao i Načelnik općine Maglaj Mehmed Mustabašić i direktorica Fondacije MO-ZAIK Vesna Bajšanski - Agić. U kulturno-zabavnom programu gosti su imali priliku slušati poeziju u izvedbi glumaca Tešanskog amaterskog pozorišta, stare pjesme u izvedbi KUD „Behar“ Tešanjka, kao i koncert srednjovjekovne muzike zeničke grupe „*Modus vivendi*“.



Kulturno-zabavni program na tešanjскоj Tvrđavi

IZ SLUŽBE ZA KATASTAR I IMOVINSKO-PRAVNE POSLOVE

Nabavka "GPS-a"

Općina Tešanj je u cilju modernizacije i praćenja novih tehnologija u geodetskoj oblasti u budžetu za 2009. g. planirala sredstva za nabavku opreme koja se ogleda u nabavci tzv. "GPS-a".

"GPS" je skraćeni naziv instrumenta na engleskom jeziku, a u slobodnom prevodu bi naziv ovog instrumenta glasio "Globalni pozicioni sistem".

Ovaj instrument će u mnogome poboljšati rad geodeta u ovoj službi, te će se moći na lakši i brži način doći do koordinata geodetskih tačaka, sa kojih se vrše dalja snimanja i mjerenja na terenu.

Rješenja po zahtjevima mjesnih zajednica

U toku ove godine Općina Tešanj, odnosno Općinsko vijeće Općine Tešanj je dalo na privremeno korištenje zemljište Mjesnoj zajednici Kraševu i Mjesnoj zajednici Bukva, a u cilju uređenja sportskih igrališta, dok je po zahtjevu MZ Karadaglije i MZ Piljužići pripremljen prijedlog odluke o davanju na privremeno korištenje radi uređenja površina za sportske aktivnosti.

BLAGOSLOV KAPELE U BLAŽEVCIMA - BOBARE

U subotu, 22.08.2009.god. u 11,00 sati otvorena je i blagoslovljena kapela u Blaževcima - Bobare. Blagoslov kapele je obavio pomoćnik Nadbiskupa Kardinala Vinka Puljića Kanonik Vrhbosanskog Kaptola prečasni Anto Meštrović.

Gradnju kapele i održavanje vodi gospodin Franjo Glavaš, uz podršku vjernika i dobrotvora. Općina Tešanj je pomogla izgradnju kapele sa sredstvima u visini 11.500 KM. Na otvorenju u ime Općine Tešanj bio je prisutan predsjedavajući Općinskog vijeća Vedran Kaser.

Poslije svečane mise uslijedio je zajednički ručak uz narodno veselje i druženje.



EKO POLICAJAC, Šemsudin Karahodžić

Kontakt telefoni: 032/ 650-022, lokal 104 i 061/ 397-060

Pravna i fizička lica dužna su ekološkom policajcu koji je propisno i vidno odjeven, te tehnički opremljen, omogućiti nesmetano obavljanje nadzora, a posebno pristup do prostorija objekta, zemljišta, uređaja i naprava, zatim dati lične podatke, kao i pružiti druga potrebna obavještenja.

Ako ekološki policajac naiđe na otpor, pomoć će mu pružiti uposleni nadležne policijske uprave.

Pozivamo građane da pruže pomoć u radu Ekološke policije, te da daju informacije o zagađivačima čovjekove okoline, kako bi na adekvatan način sankcionirali ponašanja neodgovornih, te stvorili i očuvali zdravo i perspektivno životno okruženje.



Prošle godine očišćena je ukupno 31 velika deponija i to:

- MZ NOVO SELO: Ljeskovac, Banići, Malić;
- MRKOTIĆ: Ramića kuća, Čapljino zemljište, Stražba;
- MZ MEDAKOVO: Brijeg;
- MZ MILJANOVCI STARI: Gajić, Brijeg, Luke, Grbe (Kreme), Aličić;
- MZ JABLANICA: Torići (Zukići), Garići, Kod kuće Bašić Čamila, Lugovi, Strahovački potok, Katunišći;
- MZ ROSULJE: kod kuće Šarić Ilije;
- MZ VUKOVO: Kurbegovka, Šljivak;
- MZ RADUŠA: Kotlanice, U Jabandžićima;
- MZ JELAH: kod klaonice;
- MZ O. PLANJE: šuma iznad mlina E. Žilića;
- MZ KARADAGLIJE: Ćatin Greb put prema Crnom vrhu;
- MZ KRAŠEVO: uz Usoru od plinare, oko spomenika.



SARAĐUJTE SA EKO-POLICAJCEM I PRUŽAJTE MU POTREBNU POMOĆ U RADU. NJEGOV CILJ NIJE SAMO KAŽNJAVANJE I EVIDENTIRANJE NEODGOVORNIH, VEĆ ZAŠTITA ŽIVOTA I ZDRAVLJA SVIH NAS. PRIJAVITE I SAMI ONE KOJI UGROŽAVAJU ŽIVOTNU OKOLINU I PRIRODU. JEDINO TAKO OSIGURAT ĆEMO BUDUĆNOST NAŠIM POTOMCIMA.

Uredimo našu okolinu

